

Headline	Haron Din senada pandangan Hadi isu Najib kekal jawatan		
MediaTitle	Berita Harian		
Date	14 May 2015	Color	Black/white
Section	Nasional	Circulation	314,000
Page No	8	Readership	942,000
Language	Malay	ArticleSize	177 cm ²
Journalist	N/A	AdValue	RM 3,213
Frequency	Daily	PR Value	RM 9,640



Haron Din senada pandangan Hadi isu Najib kekal jawatan

Kuala Lumpur: Mursyidul Am PAS, Datuk Dr Haron Din dan PAS Kelantan senada dengan presiden parti itu, Datuk Seri Hadi Awang yang mahu Datuk Seri Najib Razak kekal menjadi Perdana Menteri berdasarkan mandat yang diterima daripada rakyat melalui pilihan raya.

Haron berkata, Najib seorang yang berjiwa besar dan perlu diberi peluang untuk memperbetulkan keadaan seperti yang sudah diikrarkannya, kerana tiada siapa di dunia ini yang sempurna.

"Berilah peluang kepada Najib perbetulkan apa yang perlu," katanya kepada *BH* di sini, semalam.

Kelmarin, Hadi dan Timbalannya, Mohamad Sabu menyatakan Najib tidak perlu berundur, sebaliknya terus mengekalkan jawatannya sebagai Perdana Menteri, walaupun berdepan pelbagai tekanan terutama mengenai isu 1Malaysia Development Berhad (1MDB) dan Lembaga Tabung Haji (TH).

Haron berkata, semua terpulung kepada UM-

NO dan Barisan Nasional (BN) sama ada mahu memandang serius pandangan luar mengenai kedudukan Najib atau menutup 'telinga' saja.

Ditanya pandangannya mengenai kes yang dikaitkan dengan Najib termasuk 1MDB, katanya, beliau menunggu hasil siasatan yang dikaitkan dengan syarikat berkenaan dan mahu melihat sama ada kes itu benar-benar berlaku, sekadar spekulasi atau persepsi semata-mata.

Kena bertanggungjawab

"Dalam kes 1MDB ini, jika betul ada salah guna, orang yang bersalah kena bertanggungjawab. Jika betul Najib melakukan kesilapan dan kecuaiian dalam membuat keputusan... beliau kena bertanggungjawab.

"Selagi belum ada bukti, saya mahu bersikap tungu dan lihat. Namun, jika terbukti apa yang berlaku dalam 1MDB kerana kesilapan Najib sendiri maka wajarlah Perdana Menteri bertanggungjawab dan membayar harga yang

tinggi untuk itu," katanya.

Haron juga menyifatkan desakan Tun Dr Mahathir Mohamad supaya Najib berundur sebagai pendapat peribadi.

Katanya, dalam keadaan sekarang nampaknya pandangan majoriti memang memihak kepada Najib kerana mereka sudah memilih beliau dan partinya.

"Pada zaman Dr Mahathir 'memerintah' memang ada pandangan peribadi yang dijadikan pandangan majoriti dan ia diterima. Mungkin sikap itu terbawa-bawa sehingga sekarang sedangkan kini pandangan majoriti tidak boleh dipaksa terima pandangan peribadi. Ia tidak lagi wajar dan relevan," katanya.

Di **Kota Bahru**, Timbalan Menteri Besar Kelantan, Datuk Mohd Amar Nik Abdullah, PAS Kelantan mahu Najib mengekalkan jawatan sebagai Perdana Menteri, meskipun dilanda pelbagai tekanan.

Katanya, pihaknya ber-setuju dengan kenyataan Hadi yang mahu Najib mengekalkan jawatan itu.